

Upustvo zakonskog kriterija (kriterij B)
Identitet, istorijat i naslijeđe aplikanta za licencu

Poštovani,

Ovaj kriterij je, kao potpuno novi, sadržan u posljednjem izdanju UEFA Pravilnika o licenciranju klubova i finansijskoj održivosti. U skladu s tim, predviđen je i kao poseban pravni kriterij u oba pravilniku o licenciranju klubova NS/FS BiH (za domaća i UEFA takmicenja) za sezonu 2025/2026.

a) Klupski identitet:

Odnosi se na naziv kluba, kao ključni dio njegove identifikacije, koji privlači pažnju javnosti i osigurava lojalnost članova i simpatizera.

Takodjer, identitet obuhvata lokacija kluba i nogometnu infrastrukturu. Pošto su određeni podaci (npr. adresa sjedista kluba) uključeni u drugi kriterij (minimalne pravne informacije), ovdje bi bilo potrebno da klub navede stadion na kojem će igrati službene utakmice, kao i lokaciju objekata za treniranje.

Isto tako, identitet uključuje zvanične klupske boje, koje u značajnoj mjeri određuju percepciju navijača i javnosti u cjelini.

Nadalje, dio identiteta predstavljaju logo i službeni grb. Neki klubovi imaju samo grb, ali postoje i oni sa specificiranim logom u odnosu na klupski grb. Logo je grafički znak, simbol, amblem ili drugi dizajn koji identifikuje nogometni klub, obično se koristi u komunikacijske svrhe i može se naći na raznim platformama i klupskim proizvodima, kao što su dresovi i druga sportska oprema, suveniri i sl.

Zvanični grb kluba je oblik amblema i uključuje simbole koji predstavljaju klupsku istoriju, vrijednosti i identitet.

Neki klubovi mogu da definišu i druge zaštitne znakove koji predstavljati vizualni identitet kluba, kao npr. naziv kluba definisan određenim fontom ili stilom, zatim specifican slogan ili moto.

b) Klupska istorija i naslijeđe

Istorija i lokacija kluba igraju kapitalnu ulogu u oblikovanju njegovog identiteta i postaju simboli tradicije i povezanosti sa zajednicom, koja često povećava pozornost javnosti i osnazuje lojalnost prema klubu.

Sportska postignuća seniorskog i omladinskih timova kluba također su dio istorije i naslijeđa, a mogu uključivati trofeje i titule, učešća u ligi (broj odigranih sezona u raznim ligama) itd. Pored sportskih dostignuća, svaki klub prepoznaje bitne događaje od njegovog osnivanja, koji zajedno doprinose bogatoj istoriji i naslijeđu svakog kluba i koji predstavljaju vazan činilac odnosa sa zajednicom i navijačkom bazom.

Kada je riječ o dostavljanju dokaza za ispunjavanje ovog kriterija u okviru NS/FS BiH, aplikant za licencu bice obavezan da dostavi izjavu kojom potvrđuje da su u vlasništvu i pod isključivom kontrolom aplikanta za licencu ili registrovanog člana (ako se razlikuje od aplikanta za licencu) svi elementi koji čine vizuelni identitet kluba u vezi i kombinaciji

sa službenim imenom i/ili imenom tima u takmičenjima, kao što su službeni grb, logotipi, drugi zaštitni znakovi i službene klupske boje.

Osim toga, aplikant za licencu biće obavezan dostaviti dokument koji sadrži identitet aplikanta (naziv i sjedište), istorijat, naslijeđe i njegove najistaknutije sportske uspjehe.

S tim u vezi, ostajem na dispoziciji za dodatne informacije i konsultacije.

Srdacan pozdrav,

Jasmin Baković

NS/FS BiH

Menadzer standarda i kvaliteta

Tel: +387 33 276 683

Fax: + 387 33 444 332

Mob: + 387 61 895 542

email: jasmin.bakovic@nsbih.ba